

Bøn for kvar dag i veka I (etter BM i *Norsk Salmebok* 2013 ss. 1240-1242)

SØNDAG

Himmelske Far,
lat namnet ditt helgast,
så ordet ditt vert forkynt
klart og reint,
og vi ærar namnet ditt
i ord og gjerning.
For riket er ditt og makta og æra i all æve. Amen.

MÅNDAG

Gode Frelsar,
lat riket ditt koma,
så du vert kjend
mellom oss og alle folkeslag,
slik at vi trur ordet ditt
og lever med deg no og i æva.
For riket er ditt og makta og æra i all æve. Amen.

TYS DAG

Visdomens Gud,
lat viljen din råda på jorda slik som i himmelen,
så vi bøyer vår eigen vilje
og legg alt i di hand,
og du bryt alle vonde planar
og all vond vilje i verda.
For riket er ditt og makta og æra i all æve. Amen.

ONSDAG

Livgjevande Gud,
gjev oss i dag vårt daglege brød,
så alle får det dei treng
til kropp og sjel,
og vi deler med glede gåvene dine
ut over heile jorda.
For riket er ditt og makta og æra i all æve. Amen.

TORS DAG

Herre over forsoninga
tilgjev oss vår skuld, slik vi òg tilgjev våre skuldnarar,
så du tilgjev oss
og ikkje støyter oss vekk
på grunn av syndene,
og vi kan tilgje kvarandre.
For riket er ditt og makta og æra i all æve. Amen.

FREDAG

Gud, du som vaktar og vernar,
lat oss ikkje koma i freisting,
slik at djevelen, verda og vår eigen natur
får lokke oss til vantru og synd,
men hjelp oss å vinne siger
og halde fast på sigeren.
For riket er ditt og makta og æra i all æve. Amen.

LAURDAG

Mektige Herre,
frels oss frå det vonde,
så vi kan verte frelste frå alt vondt
på kropp og sjel,
og i vår siste time
få døy sæle vekk frå denne verda.
For riket er ditt og makta og æra i all æve. Amen.